



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-030-14/26**

Datum: **31.07.2026. godine**

«Agencija za vodno područje rijeke Save» Sarajevo, rješavajući po zahtjevu „JP Autoceste Federacije BiH“ d.o.o. Mostar, za izdavanje vodne dozvole za ispuštanje otpadnih voda sa izgrađene dionice autoceste Putnikovo brdo – Medakovo, koja se nalazi na području općina Usora, Doboj Jug i Tešanj, na osnovu člana 109. stav (1) tačka 2. i 9. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22),
donosi

RJEŠENJE **o vodnoj dozvoli**

1. Daje se vodna dozvola pravnom licu „JP Autoceste Federacije BiH“ d.o.o. Mostar, za ispuštanje otpadnih voda sa izgrađene dionice autoceste Putnikovo brdo – Medakovo, koja se nalazi na području općina Usora, Doboj Jug i Tešanj, u Zeničko-dobojskom kantonu.
Ova vodna dozvola se ne donosi na uređenje korita rijeke Usore - faza I, na dijelu autoceste, poddionica 1: Putnikovo brdo – Medakovo, koja će, nakon završetka radova i obavljenog tehničkog prijema, biti predmet posebne vodne dozvole.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu dostavljene dokumentacije, izvršenog uviđaja na predmetnoj lokaciji, utvrđenog činjeničnog stanja i uz sljedeće uslove:
 - 3.1. Objekte čija je svrha prikupljanje i odvođenje oborinskih voda sa predmetne saobraćajnice te njihovo ispuštanje u recipijent, koji uključuju slivnike, rešetke, rigole, reviziona okna, spojne kanalizacione vodove, obodne kanale i propuste treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.2. U periodu važenja ovog rješenja JP Autoceste Federacije BiH d.o.o. Mostar obavezno je izraditi katastar svih separatora na ovoj poddionici sa naznačenim položajem ispusta iz separatora i odvodnim kanalom – kolektorom do recipijenta. Navedeni katastar treba sadržavati tip i kapacitet separatora, jedinstvene oznake separatora, precizan položaj (situacioni prikaz separatora i ispusta te stacionaže i koordinate svih separatora predmetne dionice) i isti će biti osnova za vođenje svih evidencija koje se odnose na održavanje i kontrolu rada istih.
 - 3.3. Stručne službe JP Autoceste Federacije BiH d.o.o. Mostar, u čijoj je nadležnosti održavanje sistema odvodnje, obavezne su poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti kvaliteta propisane u članu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24). Pored navedenog, dužne su organizirati periodične obilaske i utvrđivanje stanja na objektima za odvodnju, propustima na mjestima ukrštanja sa stalnim i povremenim vodotocima i iste održavati u funkcionalnom stanju.
 - 3.4. Korisnik objekata je obavezan da izgrađene objekte čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta. Kontrola kvaliteta ispuštenih oborinskih onečišćenih voda u recipijent vršit će se na izlazima iz separatora, neposredno prije ispusta u recipijent.
 - 3.5. Pravno lice JP Autoceste Federacije BiH d.o.o. Mostar dužno je, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda dostaviti «Agenciji za vodno područje rijeke

Save» Sarajevo – Sektoru za upravljanje vodama, shodno uslovima o ispuštanju otpadnih voda u okoliš i sisteme javne kanalizacije, te članu 23. Uredbe o uslovima ispuštanja otpadnih voda u okoliš i sisteme javne kanalizacije, a jedan primjerak zadržati za svoje potrebe radi stavljanja izvještaja na uvid organima nadležnim za inspekcijski nadzor. Izvještaji o provedenim mjerjenjima na terenu moraju sadržavati podatke i informacije u skladu sa članom 23. stav (3) Uredbe.

- 3.6. Čišćenje, odvoz i konačno zbrinjavanje sadržaja separatora ulja i naftnih derivata povjeriti ovlaštenom pravnom licu za tu vrstu djelatnosti prema sklopljenom ugovoru. Za sve instalirane separatore u općem aktu o održavanju propisati posebne uslove, imajući u vidu njihov visinski i situativni položaj u odnosu na kolovoznu konstrukciju autoceste i zaštitnu ogradu te opisati način pristupa do separatora u cilju njihovog redovnog održavanja. Korisnik je obavezan da redovno vodi dnevnik o čišćenju, pražnjenju i odvozu sadržaja separatora, tj. izdvojenih naftnih derivata i taloga.
- 3.7. Sadržaj (mulj) iz uređaja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njihove obale.
- 3.8. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije, Prilog 1. tabela 1.1. kolona 3 tabele.
- 3.9. U slučaju vanrednih situacija, havarijskih (incidentnih) onečišćenja i drugih sličnih okolnosti koje bi nastupile kao posljedica prirodne katastrofe ili ljudskog faktora, a što bi moglo prouzročiti zagađenje površinskih i podzemnih voda, korisnik objekta je dužan izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
4. Korisnik objekata je obavezan vršiti plaćanje vodne naknade u skladu sa Zakonom o vodama («Službene novine Federacije BiH» broj 70/06) i odredbama Pravilnika o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12).
5. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
6. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. U periodu važenja ove vodne dozvole, korisnik predmetnog objekta je dužan provoditi sve mjere i aktivnosti propisane ovom dozvolom.
11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1, 2, 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JP Autoceste Federacije BiH d.o.o. Mostar obratilo se ovoj Agenciji zahtjevom broj 05-342/26, zaprimljenim 29.01.2026. godine, za izdavanje vodne dozvole za ispuštanje otpadnih voda sa izgrađene dionice autoceste Putnikovo brdo – Medakovo, koja se nalazi na području općina Usora, Doboj Jug i Tešanj, u Zeničko-dobojskom kantonu.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra, Općinski sud u Mostaru – ovjerena kopija;
- Obavještenje o razvrstavanju pravnog lica prema klasifikaciji djelatnosti, broj: 07-32.5-73377/18 od 05.09.2018. godine, Služba za statistiku za područje Hercegovačko-neretvanskog kantona – ovjerena kopija;

- Potvrda o promjeni podataka za Porezni ID broj od 27.06.2022. godine, Porezna uprava Federacije BiH, Kantonalni porezni ured Mostar – ovjerena kopija;
- Dokaz o uplaćenju upravnoj i administrativnoj taksi;
- Rješenje – odobrenje za građenje broj: UPI/03-19-2-601/22 Sarajevo, 08.11.2022. godine, Federalno ministarstvo prostornog uređenja – kopija;
- Izvještaj o tehničkom pregledu izvedenih radova na izgradnji dijela Koridora Vc, poddionica Putnikovo brdo – Medakovo;
- Izvještaj o tehničkom pregledu izvedenih radova na izgradnji dijela Koridora Vc, poddionica Putnikovo brdo - Medakovo - geotehnika;
- Zapisnik o izvršenom tehničkom pregledu radova na dijelu Koridora Vc, poddionica Putnikovo brdo – Medakovo – građevinsko-konstruktivna faza, 30.06.2026. godine;
- Zapisnik o izvršenom tehničkom pregledu – faza hidrotehnike, 28.06.2026. godine;
- Izvješće o tehničkom pregledu izvršenih radova za fazu telekomunikacija, 08.07.2026. godine;
- Izvještaj člana komisije o tehničkom pregledu građevine za elektrotehničke radove, 06.07.2026. godine;
- Izvješće sa tehničkog pregleda, građevinsko-saobraćajna faza, 06.07.2026. godine;
- Završno izvješće, zanatski radovi i vanjsko uređenje;
- Izvještaj o izvršenom tehničkom pregledu, prometna oprema i signalizacija, 22.07.2026. godine;
- Izvješće komisije za tehnički pregled izvedenih radova, strojarstvo, 29.06.2026. godine;
- Izvještaj člana komisije za energetska efikasnost, 29.06.2026. godine;
- Izvještaj o tehničkom pregledu objekta, primjenjene mjere zaštite na radu i mjere zaštite od požara;
- Izvještaj komisije za tehnički pregled izvedenih radova, dio za okoliš, juni 2026. godine;
- Izvještaj o izvršenom tehničkom pregledu, lokacija trase i objekata, 26.06.2026. godine.

B. Tehnička dokumentacija pod nazivom:

PROJEKAT IZVEDENOG STANJA/ "AS BUILT" DESIGN (u printanoj i elektronskoj formi)

- D1010 – građevinski projekat vanjske odvodnje autoceste, saobraćajnih površina CP i COKP-a;
- D1020 – građevinski projekat unutrašnje odvodnje autoceste, saobraćajnih površina CP i COKP-a;
- D1030 – građevinski projekat odvodnje petlji na raskrsnicama u nivou;
- D1031 – građevinski projekat odvodnje lokalnih cesta, izmještenih cesta, servisnih i ostalih saobraćajnica;
- D1040 – građevinski projekat odvodnje objekata (mostovi i vijadukti);
- D1041 – građevinski projekat odvodnje objekata (potputnjaci);
- D1060 – glavni projekat vodozaštite;
- F1040 – građevinski projekat odvodnje cut and cover tunela Hrastik;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) izvršen je obilazak predmetne dionice autoceste i tom prilikom je sačinjen zapisnik o uviđaju broj: UP-1/21-3-40-030-11/26 od 28.07.2026. godine.

Na osnovu pregleda raspoložive dokumentacije i izvršenog uviđaja na predmetnoj lokaciji utvrđeno je sljedeće:

Podnosilac zahtjeva je za potrebe izrade projektne dokumentacije angažirao projektnu kuću Design&QC d.o.o. Sarajevo, društvo za projektovanje, konsalting, nadzor i kontrolu kvaliteta, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Predmet ove vodne dozvole je novoizgrađena dionica autoceste Putnikovo brdo – Medakovo, na području općina Usora, Doboju Jug i Tešanja, u Zeničko-dobojskom kantonu.

Radovi na uređenju obala rijeka Usore i Tešanjke, uključujući i uređenje mjesta ispusta izvedenih propusta i kanala u navedene vodotoke, planirani su za naredni period te nisu obuhvaćeni ovom vodom dozvolom. Oborinske vode s područja koje gravitira trasi autoceste prikupljaju su i kontrolirano odvođe do recipijenta. Kao recipijenti koriste se postojeći vodotoci: rijeka Usora i Tešanjka, kao i njihove pritoke. Gravitirajuće vode prikupljaju se otvorenim jarcima. Na dionicama na kojima, usljed nedovoljnog hidrauličkog kapaciteta, prostornih ograničenja ili nepovoljnih geometrijskih uslova, nije bilo moguće adekvatno uklopiti otvoreni jarak u postojeće terenske uslove i novoprojektovano stanje, izvedeni su odgovarajući cestovni propusti. Na predmetnoj, izgrađenoj dionici autoceste izvedeno je ukupno osam (8) propusta.

U skladu s kategorijom i funkcionalnim karakteristikama saobraćajnice, projektom je predviđen zatvoreni sistem odvodnje oborinskih voda s kolovoznih površina. Oborinske vode koje dopijevaju na asfaltne

površine, u zavisnosti od poprečnog nagiba kolovoza, prikupljaju se putem slivnika smještenih u rigolima, nakon čega se zatvorenim cjevovodnim sistemom odvođe do uređaja za prečišćavanje prije konačnog ispuštanja u recipijent. Kao recipijenti na predmetnoj dionici koriste se postojeći vodotoci, rijeke Usora i Tešanjka.

Položaj i dispozicija kolektorske mreže prvenstveno su uslovljeni uzdužnim i poprečnim nagibima saobraćajnice te položajem objekata duž trase. Dodatni uticaj imaju položaj recipijenata, morfološke karakteristike terena i projektovani uslovi na mjestima izlaska odvodnog sistema iz trupa saobraćajnice. Prikupljene površinske vode s trase odvođe se do krajnjih recipijenata putem propusta, betonskih kanala i cjevovoda.

Efikasna odvodnja kolovozne konstrukcije predmetne dionice autoceste osigurana je minimalnim poprečnim nagibom kolovoza od 2,5 %. Oborinske vode s kolovoza prikupljaju se u rigolima izvedenim uz rub kolovoza, a zatim se putem sistema slivnika i kolektora odvođe do separatora ulja i lakih tekućina. Nakon odgovarajućeg tretmana, prečišćene vode se preko preliva ispuštaju u recipijente. Na predmetnoj dionici izvedeno je ukupno sedamnaest (17) separatora ulja i naftnih derivata.

Na osnovu provedenog postupka, a u cilju smanjenja zagađenja voda, postizanja dobrog stanja voda, sprječavanja degradacije voda, umanjenja mogućnosti štetnog djelovanja voda kao i održivog korištenja voda, podnosiocu zahtjeva, JP Autoceste Federacije BiH d.o.o. Mostar, ovom vodnom dozvolom su u tački 3. dispozitiva rješenja propisani uslovi korištenja i održavanja objekata koji utiču na režim voda te načina provođenja aktivnosti ispuštanja oborinskih voda.

Tačkom 3.5. propisana je obaveza vršenja monitoringa u skladu sa članom 3. tačka s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24), a članom 14. iste Uredbe propisana obaveza pročišćavanja istih. Slijedom navedenog, korisnik prava iz vodne dozvole dužan je u skladu sa članovima 19. i 20. predmetne Uredbe dužan provoditi monitoring otpadnih voda.

Na osnovu pregleda dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva rješenja propisani uslovi kojih se dužan pridržavati pri korištenju objekta, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Na osnovu provedenog postupka konstatuje se da je podnosilac JP Autoceste Federacije BiH d.o.o. Mostar ispunio minimum uslova za izdavanje vodne dozvole za izgrađenu dionicu autoceste Putnikovo brdo – Medakovo, na području općina Usora, Doboj Jug i Tešanj, kako je to regulisano članovima 115. do 118. Zakona o vodama i članovima 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno, u pisanom obliku ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih upravnih taksi.

Voditelj postupka:

Anđan Bašić, dipl.inž.građ.

Preuzeto lično
31.07.2026
[Signature]

Po ovlaštenju
Rukovodilac Sektora za izdavanje vodnih akata

[Stamp: Agencija za vodno poslovanje]
[Signature: Nihad Pezo]
Nihad Pezo, dipl.inž.građ.

Dostaviti:

- JP Autoceste Federacije BiH, Adema Buća 20, Mostar
(Prilog – tehnička dokumentacija navedena pod tačkom B obrazloženja Rješenja)
- Ⓢ AVP Sava, ISV – Vodna knjiga
- Sektor 50
- Sektor 40, arhiva
- oglasna ploča AVP – Sava